



革命黨小傳

第 三 冊



革命黨小傳第三冊目次

姚國樑

饒輔廷

宋玉琳

黃復嘉

李達泉

李漢業

鄭弼臣

畢永年

楊守仁

史堅如

附記史君軼事

吳 懋

鄒 容

劉 鋒

熊成基

石德寬
附錄熊成基
喻培倫
供詞

陳天華

禹之謨

何自新

陸浩東

附錄陸浩東供詞

陳文波

徐錫麟

陳伯平

馬宗漢

周 達

溫生才

陳軍雄

782.18
486.68
:3



3 0479 3566 7

革命黨小傳第二冊

姚國樑

姚國樑號少峯。年二十三歲。四川大足縣人。在四川陸軍速成學堂畢業。曾充大

五標見習士官。已酉。至雲南謀軍隊差。不遇。乃往奉天。後至上海。充中國公學舍監。

復回雲南。路經香港。遇湘人黃興。談及政治革命事。謂中國積弱已久。不能振興。今

日雖宣布立憲。仍不實行。外人欲瓜分中國。我四萬萬同胞。不能不共結團體。出而

擔任義務事。若有成。即可將政治改良。洗滌舊習。恢復漢族。姚聞言大悅。遂入革黨。

隨黃興至雲南。辛亥正月。黃興函招之。令偕陳汝環等至香港。與黃興及胡漢民胡

毅生會。興謂之曰。今時事危急。吾等前抱之政治革命宗旨。不能不實行。黨首孫汝

在外洋。已將槍礮炸彈運回香港。吾儕又已糾合著名豪傑及同志諸人。陸續往省。

城。此次餉銀祇數十萬。外洋及香港尙存基本金數百萬。源源而來。可以接濟。隨給

姚等六人經費軍火。使分藏帶省。於三月初間。姚等先到省城。黃興後至。趙聲胡漢

民駐香港。接應主持各事。姚初至省城時。寓城外名利棧。後租定蓮塘街吳公館。偕同志遷入。黃興至時。則分居小東營朝議第。各黨分居數處。多有不相識者。趙聲原議三月晦。或四月初一。二日起事。尙未定期。後被人洩漏官場。搜捕嚴。乃於二十九日晨定議。卽於下午起事。每人纏帶白毛巾一條。以作暗記。用喇叭以作軍令。黃興帶同七八十人。焚燒督署。國樑等二十餘人在蓮塘街口堵截清兵。黃興等攻督署。回復偕往龍王廟。攻打清軍營壘。國樑等二十餘人奮勇爭先。用炸彈轟擊官兵。被傷不少。及攻督署者。敗回。仍與清軍相持。後清軍愈多。同志或死。或逃。國樑亦隨至大北門。欲出城。又遇清軍。因不知路徑。誤奔入清軍營。清軍開鎗擊之。傷手。遂被獲。時已受重傷。但求速死。問官太息謂之曰。觀汝所供履歷。似非無學識者。何不將生平抱負。及此次起事計畫。逐一供出。使人知中國革命史之價值。不强於一瞑不。死乎。若慮洩及機密。則將來斷不就。現在進行。以蹈覆轍也。姚乃索紙筆。備述始末。

洋洋數千言。四月初二日。遇害。

饒輔廷

饒輔廷。廣東嘉應州松口堡人。原名可權。字競夫。向讀書。科舉停後。乃入上海中國公學預科肄業。己酉畢業。因無力就學。遂返粵。就本堡公立小學教職。前在上海時。遇湘人甄某。言及中國貧弱。必須立憲。方能振興。奈政府以僞立憲欺國民。必出於革命。而後已。輔廷善之。甄乃介紹之於黃興。入革命黨。後輔廷乃往游南洋。辛亥春。挈其妻至香港。遂入粵。遇潮州人廖勉。初不相識。與語。彼此契合。勉勸輔廷在省共謀起事。與四萬萬同胞出力。遂稅屋於新城謝恩里。共入居之。三月二十六日。廖勉往香港。臨行。以手摺交輔廷。摺內所列各款。爲廖勉管理者。於是輔廷遂與勉共管黨中財政。至二十九日。將舉事。輔廷往巡警區所。領取遷居票。欲往南洋。遂被區官扣留。問官鞫之。則言革黨約有十餘萬人。所憾經濟困難。軍火未足。不能大舉。此次舉事。原擬支配一千五百人運動。多年消費不少。初定四月半舉事。因溫生財事發。官場戒嚴。事機又被洩漏。又因消費資本過多。尙不見諸實行。人懷疑忌。則此後運

動。更。難。故。迫。於。一。試。來。省。舉。事。者。不。過。百。餘。人。預。算。僅。十。餘。萬。金。故。支。配。不。足。額。軍。械。亦。尙。缺。乏。問。官。詰。以。如。何。存。放。及。同。黨。密。謀。堅。不。吐。實。惟。求。速。死。遂。就。戮。饒。彘。與。上。海。愛。國。女。學。校。學。生。吳。其。德。女。士。爲。未。婚。妻。嗣。因。讒。搆。疑。女。有。非。行。女。性。烈。服。毒。自。死。以。明。志。饒。傷。之。遂。入。革。黨。誓。捨。身。以。答。其。妻。云。

附吳其德絕命詩

驀地罡風起
牡丹花亂飛
花殘不足惜
何以答春暉

宋玉琳

宋玉琳。字建侯。安徽懷遠人。世家子也。天資俊爽。雙眸炯炯。射人。年十二。讀書私塾。一目十行。其爲文章。操紙筆立就。一時有神童之譽。十五。迫於父命。應童子試。府試。



冠軍補弟子員。非所願也。玉琳常語人曰。大丈夫當馬革裹尸。安能隨衆旅進。旅退。學趨踰耶。可以知其志矣。年十九。娶同邑某氏女爲室。伉儷極篤。未九十日而妻死。未逾年而父歿。玉琳固世家。然極儉素。性復廉介。雖飢寒未嘗一稱貸於人。人有救卹者。非有深交不受也。玉琳既中。遭家難。罄其資以葬父。貧無以爲生。益恹。際無寥。遂縱情鴉片。交游病之。實不知其胸中牢騷抑塞之氣。欲藉此發洩也。丙午春。其友某遇之於金陵旅舍。知其沈溺已深。呵之曰。建侯。今日何日。爾何人。尙容恣情爲樂耶。苟長日若此。願無復相見。玉琳矍然憬悟。泫然出涕。曰。微子。吾其

殆矣。由是痛自刻苦，自除積習。人以是重玉琳之勇於改過也。戊申安慶之變，不知者以爲熊承基實則玉琳暨其死友范傳甲也。玉琳時充某標書記，傳甲一砲營正目耳。傳甲壽州人，或云合肥人，爲人堅苦沈鷺，居皖十年，謀大舉如一日，人無知之者。傳甲貌藹然，人忤之未嘗稍露不豫之色。皖軍一混成，協無慮數千人，無有不識傳甲者。傳甲與徐錫麟交情極深，自徐敗後，傳甲痛飲沈醉，登龍山之巔，北向長號誓成其志以報死友。及見玉琳曰：亡友徐錫麟後一人也，深自結納。戊申之舉，多出自二人之謀。傳甲以熊承基能得衆推之爲長事，敗傳甲謀刺余大鴻，未成被逮監獄。卒某者重傳甲之爲人，釋其縛曰：子去脫有責言者，吾自任之。傳甲慨然曰：今不幸事敗，吾黨死者纍纍，傳甲義不容獨活。吾子旣相愛，請與子約，以二句鐘爲限，吾摒擋家事，訖當來就死。監卒竟釋之。傳甲亦如約歸，嗚呼難矣。傳甲臨刑時，顏色揚揚如平時。玉琳時未被株連，雜人叢中，嗷然失聲哭。傳甲怒之以目曰：吾死不得已，子何爲者？幸鄭重玉琳，遂逡巡去，不知者以爲二人兄弟也。庚戌秋，玉琳復來安。

慶謀有所舉。不遂。恐見疑於偵者。時方試優拔。玉琳亦報名入場。高等巡警分校者。素以流品雜。學科陋。著於一時。玉琳亦潛身其中。人咸怪非。玉琳素願不知。玉琳實藉此以自穢也。玉琳居安慶。同安旅舍中。房屋湫隘。因自顏其樓楹曰「危樓無下士。矮屋住高人」。玉琳在巡警學堂未畢業。乃由上海至兩粵。欲赴軍營投効。在上海時。因得識莫其匡。張岐山二人。庚戌道香港。復遇之。得其介紹。而識湖南人黃興。興爲革黨總司令。因言及革命之事。彼此宗旨相合。遂入黨。辛亥春。廣州黨人使召玉琳。臨行爲書訣別。其弟語意懇摯。概家人婦孺事不及其他。可以見其堅默沈毅矣。起事之前。因軍機洩漏。官場防備嚴。黨人欲解散。玉琳與黃興力主進攻。有三大理由。一。前此屢經失敗。今旣悉力前來。若懷畏蒞。有何面目。回見黨人。二。冒險運送軍械。所費不貲。若解散。勢難再行。運出經濟部員必疑爲誑。騙斷送將來糧台。三。軍人性質有進無退。今旣奉總司令部來攻。若不戰而退。如軍令何。黨人聞其言。氣爲一振。而變遂作。三月二十九日下午。玉琳執槍彈隨黃興後。往攻督署。以喇叭爲號。

令黃興張岐山莫其匡陳昭榮前隊先入施放炸彈開鎗轟擊玉琳在二堂攻打見署內火起各黨有退出者玉琳復隨往龍王廟攻打清軍營至蓮塘街口同黨與清軍對敵不能取勝玉琳隨帶炸彈由小石街遁匿民家菜圃中翌日被官兵尋獲玉琳曰安慶之役吾應死而不死將有以報吾死友范傳甲也今日者可以死矣遂就戮。

黃復嘉

黃樹中字理君。後改復生。入北京。又改復嘉。四川隆昌人。弱冠入川南經緯學堂。卽抱革命思想。卒業後留學日本。適孫逸仙來自美洲。組織同盟會。黃首入會。舉爲分會長。兼任民報社會計。越二年。受同盟會委任爲革命軍西部首領。入蜀謀大舉。布置方定。會造炸彈爆裂。受重傷。臥病醫院。而機事復洩。同人均被捕。清吏偵知黃爲首領。大索之。病稍愈。乃走漢口。未幾復之。日本仍爲民報會計。旣而民報被日入禁止。發行黃乃決意實行暗殺。偕同志數人伺端。方於漢口志弗達。復偕汪精衛入北京。謀刺清監國載灃。被捕後受鞠。與汪爭爲主謀。以冀免汪。而自當重罰。旣入獄。志氣弗撓。見獄吏呵斥唾罵。獄吏畏之。精衛喻之。乃稍減。今旣出獄。共和軍又添一健將矣。黃生平不尙空言。專主實行。爲人美姿容。夙有璧人之稱。而守身如玉。絕無狹邪之行。今年適二十有八云。

李達泉

李達泉字思明。粵之南海洲村人也。同產諸昆。君序第六。生而穎悟。通敏過目。輒能省記。長更倜儻。有大志。負幹濟之才。深爲搢紳先生所期許。年十四。能屬文。十九。卒業於香港。皇仁大書院。素工吟咏。又好爲清澁之思。凡爲撰述。皆雄奇超忽。不可方物。雖名流宿學。每推服焉。生平喜武。事精技擊。然與人不競。謂丈夫當務其大者。遠者。瑣瑣小節。不足較也。性沈默寡言。雖衆口辯論。紛呶而緘默如故。或有所建議。則侃侃而談。未嘗詞費。然無不盡意。蘊藏深密。不肯稍露。圭角。故其志趣罕有獲窺。厓略者。君熱誠愛國。仇視胡滿。談之輒色變。自幼至長。皆然。蓋君之爲革命實行家。原出於天也。旣而游學四方。與海外諸義士時上下。其議論磋切。旣久。閱歷益進。器識益闳。嘗言中國安危。匹夫有責。故毅然以興漢爲己任。同志亦以是勉之。其足跡所至。遍東南洋。鄉人以不卹家事爲言。慷慨而歎曰。匈奴未滅。何以爲家。余志別有在也。嗚呼。可謂難矣。君旣恨中原之陸沈。胡滿之入主。專制之摧殘。公權之剝喪。故痛

心疾首而思革命以爲革命者。順天應人。則聖王不廢湯武是也。我熟圖之。將復我邦。族。恢。我。自。由。以。宏。我。漢。京。時。會。可。爲。遂。由。新。架。坡。返。粵。辛。亥。三。月。二。十。九。日。之。役。君。踴。躍。轟。戰。槍。斃。多。人。後。以。衆。寡。不。敵。要。害。受。重。傷。勉。強。返。寓。隨。槍。殞。其。妻。何。氏。刀。斫。其。子。永。貞。大。呼。放。火。者。三。仆。地。長。逝。悲。夫。孔。言。殺。身。成。仁。易。稱。致。命。遂。志。君。之。謂。矣。君。生。二。十。四。年。而。死。死。之。日。四。城。嚴。扃。道。路。梗。塞。至。親。末。由。臨。其。喪。僅。由。同。人。草。草。殮。殮。而。已。迄。今。壘。壘。叢。冢。中。竟。不。知。誰。何。之。墓。爲。君。夫。妻。葬。地。也。其。遺。孤。永。貞。始。周。歲。傷。重。得。不。死。幸。僕。婦。何。氏。調。護。之。愈。後。還。諸。其。家。亦。天。下。之。善。人。也。嗟。夫。古。今。之。殉。義。者。多。矣。若。聶。政。荆。軻。之。倫。其。言。信。行。果。斷。脰。不。顧。豈。不。云。烈。及。校。其。存。心。惟。報。知。己。其。於。復。仇。之。義。討。虜。之。說。蓋。無。取。焉。以。彼。况。此。曾。何。足。論。方。今。革。命。大。功。告。成。衢。巷。騰。躍。國。人。相。慶。追。原。功。首。豈。非。廣。州。死。事。諸。義。烈。有。以。致。之。耶。而。君。又。是。日。拔。弧。先。登。之。豪。俊。旣。烈。甚。古。人。名。重。天。下。雖。隕。天。年。竟。獲。不。朽。於。戲。李。君。可。以。無。憾。矣。達。泉。於。門。內。有。至。行。孝。於。親。友。於。同。氣。其。肫。至。淳。篤。蓋。原。於。天。性。邦。人。無。閒。言。至。

若訂交滿天下。足跡所經。皆友其才。雋又任俠。尙氣重然諾。赴士之阨。困雖夷險。不渝。士論多之。素不治家。人生產有所得。輒與其戚。卹及諸貧者。云。

李漢業

李漢業。惠州歸善人。大比。叻布先益智學堂。附設閱書報社之書記員也。素抱民族主義。爲叻埠同志所崇拜。比年來。以外人瓜分中國。禍在眉睫。非實行革命。斷不能杜瓜分之禍。乃於庚戌九月。毅然返國。在龍岡清溪觀欄塘。歷等處。召集同志千餘。枕戈隱伏。以俟時機。辛亥三月。廣州事起。漢業率黨在惠州謀響應。嗣聞事敗。復集黨人。潛伏待時。迨四月中。而龍岡等處官吏。徧貼查拿革命黨首李漢業之告示。漢業慨然將其家產。盡行鬻盡。奉母挈妻。脫險赴南洋。於六月抵布先。寓於益智學堂。不意於閏六月二十五日。竟以病故。行年二十三歲。母老妻幼。無嗣。當出殯之日。執紼者數百人。咸爲之傷心。下淚。其感人之深。可知矣。

鄭弼臣

鄭弼臣。粵人也。孫文創設興中會。鼓吹革命。鄭爲會員之健者。孫文得其力實宏。己亥庚子間。孫文欲在粵舉義。苦不得其會。日人宮崎等贊同孫文之主張。初並紹介孫文與康有爲聯合。其後康有爲設保皇黨。希圖利祿。孫文主張共和。不能與之相合。而國內逮捕黨人之令。又日益嚴。庚子春。孫文至新嘉坡。不能安居。更至香港。香港市政廳預得新嘉坡密電。防範甚密。孫文不得登岸。於是卽舟中議遣鄭弼臣等潛赴惠州。相機起事。以鄭爲惠州總司令。鄭卽日起行。先至大鵬灣附近之三州田。山寨同志畢至。靜待大舉。無如器械不充。餉糈又乏。舉義之期一再遷延。事爲省城大吏所聞。派重兵往駐深圳。淡水以備之。旣而進至沙灣。將直攻三州田之山寨。鄭爲時勢所迫。親率革命軍乘夜往襲。官軍不及抗禦。紛紛四走。是時孫文有電至。令取道東。北向廈門。於是破敵於佛子拗。擒其將杜鳳梧。奪獲洋槍七百桿。投効同志達五千餘人。然槍僅千餘支。不敷應用。皆持竹槍戈矛以從。進攻永湖。遇敵五千。破

之提督劉萬負傷奪獲洋槍五六百桿子彈萬顆復進攻至白芒花同志來歸者益衆爲數將萬人矣再進至崩岡與敵軍七千隔河而陣交戰徹夜敵皆卻走正擬向三多祝進攻至梅林忽有香港傳孫電命謂形勢一變外援難期到廈門後恐無接濟之途軍事乞司令自決進止鄭閱之大爲懊喪乃留肩槍勇士千餘人其餘悉解散之隱以休軍官軍偵得其實乘勢襲擊鄭不能支全軍潰散鄭不得已遁南洋翌年以病死嗚呼傷已

畢永年

畢永年有名之勇士也。丁未自上海至煙臺。與日本平山周相遇。同至天津及北京。自是盡力於革命事業。不稍懈。戊戌政變後。出遊東京。外結同黨。內則聯絡哥老會之徒。待時而動。後卒歸孫逸仙部下。於有名之非律賓獨立爭戰時。奉孫之命。率部下投獨立軍。隨首領亞其那爾奮勇轉戰。立殊功。其後與孫逸仙等布共和政體。東奔西走。瘁力勞心。孫文將舉事於惠州。結同志千六百餘人。以鄭弼臣爲司令。畢與其間。先遊香港。改名普航。且以操縱哥老會自任。旣在惠州舉革命旗。興師起義。以內部互生意見。遂未能達其目的。於惠州雖挫折。而雄心仍勃發不已。復集同志八千人。再圖大舉。仍擇地廣東。克日起事。惟彈藥缺乏。乃託日本之同志中村彌六籌辦。中村卽盡力設法。購備彈藥千萬。託輪船布引丸運往廣東。不幸布引丸竟在中途沈沒。千萬發之彈藥盡爲海底之藻。而大事遭此惡運。又歸失敗。畢等遂成亡命之客。遁至日本。居橫濱。暫營商業。以待事機。辛亥八月。武漢起義。四方響應。畢等聞

信。大喜欲狂。數載之苦。心期由此可償。乃棄其職業。東西奔走。以盡力於軍資之募。集。又使其妻杜氏募集慰問袋。贈於槍林彈雨中之同志。迨九月漢陽失利之報達。東京畢大憤。以大丈夫立功之秋。自勵乃得同志梁慕光（梁年四十四歲。業洋服職。亦自惠州亡命至東者）及其外五十餘名。組織決死隊。將助民軍力戰。以恢復前勢。已於九月十七日乘博愛丸由橫濱回國。此實民軍之健將也。

楊守仁

楊守仁。號篤生。原名毓麟。長沙人。少爲辭章典制之學。讀書盡萬卷。爲文章下筆立成。宏深疏達。一時名士。無與爲比。江標提學湖南時。頗以新學倡導後進。創設湘學報。守仁所著文獨多。庚子以後。始游日本。編輯雜誌。曰遊學譯編。爲滿洲問題事。著論數十萬言。又爲新湖南一書。累數萬言。於滿清政府之絕望。革命之不可已。反復推衍。其詞甚峻。一時湖南新學少年。游日本者。翕然稱之。守仁性沉鬱。爲義軍隊事。獨回南京運動。迄無成功。則嘗抑抑不自得。或時作狂語。誚其坐人。嘗至北京。充譯學館教授。又偕載澤赴日本。考察所謂憲政者。意有不樂。又棄之。至上海主神州日報。未幾。蒯光典充歐洲留學生監督。絜守仁任書記。始從之倫敦。光典罷歸。守仁乃始留學。攻習英吉利語文。用力甚苦。會載振使英。賀加冕。位列埃及土耳其次。而黃興攻廣東又失利。守仁太息發憤。投利物浦海死之。時年三十有九。

新史氏曰。痛哉守仁之死也。使守仁稍緩須臾不死。獲觀今日革新之盛。固當有以

大。快。其。意。而。守。仁。當。時。則。憂。愁。悲。苦。卒。投。身。七。萬。里。之。外。一。瞑。而。萬。世。不。願。豈。其。中。
有。不。自。克。者。耶。抑。守。仁。深。慨。我。國。人。心。之。腐。敗。希。望。斷。絕。遂。乃。憤。不。欲。生。耶。讀。其。投。
海。前。一。日。與。馬。君。武。書。重。哀。其。志。世。豈。復。有。斯。人。乎。悲。夫。

史堅如

史堅如廣東番禺世家子也。資性深沉溫厚。師友見之輒許爲大器。年十七卽憤清



人而德壽得不死。史君當引燃炸彈時沈默旁觀。意欲窺其究竟。適爲巡捕某瞥見。拘投之獄。卒處以死刑。史容貌秀麗。或贈以詩曰。貌如處子風骨仙。博浪一擊膽如

政府之腐敗。遨遊江湖間。並至東瀛。糾集同志。謀所以去此腐敗政府者。旣歸粵。於時孫中山方經略新安惠州。未甚得手。史君乃用擒賊擒王法。欲遙爲牽制之時。德壽署粵督。史君輒於督署後壁。突放炸藥。無何藥力上焚不甚橫暴。斃官吏二十餘。

天可謂切合不爽矣。

附記史君軼事

(亞歐)

先是史託友人在督署後賃一住宅屆期與其兄古如潛將炸藥運入深夜間昆仲兩人鋤插並施將藥藏妥天將破曉燃著藥線乃倒扃其戶乘轎出城附輪赴港竊計爆發以後而港輪亦已開行矣未幾時刻已過尙無聲響史疑甚焦急亦甚乃決計勸其兄先往港而已則仍復登岸入城直抵該戶查察其不爆發之理由始知其地太溼藥線燃未及半已被水氣薰蒸熄滅矣蓋史君昆仲生長富貴腦力雖富鋤田掘地非其所長而此等祕密運動又不能央人假手惟有出盡本身力量經之營之以稍圖省力故卽在廚內暗溝從事鋤掘彼中鹹溼水氣太甚故至於此其後之卒不能得手因而遇害亦以此也史君既察得藥力不炸之理由乃謀所以再發者惟時徧視室中除昨晚所遺下之洋火一盒外已一無所有又不敢再扃戶外出以動鄰右之疑於是此一日一夜

間。史君乃如蟻之旋磨。周行室中。粒水不得入口。直至天將達旦。乃復安置藥線。燃點既畢。潛行出戶。輕將門虛掩。欲出城爲附輪赴港。計既念一經下港。萬一輪已開行。而藥力仍如昨日之不炸發。此時已無人在省。照管豈不誤事。乃決計不復下輪。祇往城尋一友人家。略爲偃息。蓋史君自運動此事以來。由運藥入城。鋤掘坑坎。燃點藥線。早已經營數夜。未曾合眼矣。無何心事忐忑。雖輾轉牀上。而迄不得睡。未幾轟然一聲。比暴雷更烈。史乃矍然而起。詐問旁人。是何聲響。未幾徧街。閩傳督署被轟。事史竊喜以爲事之有成。又未幾。閩傳總督無恙。祇喫一驚。從睡夢中抓出數尺以外。魂魄失散。惟尙不至於死。祇署後圍牆坍塌丈餘。附近民房坍塌數家。傷死各數人。史疑甚以爲按藥力分量。督署當可焚燬一空。而德壽臥房曾用遠視測量法。測得距離藏藥之所。不出十五丈以外。不爆則已。爆則德壽必無幸理。乃道路所言皆云。德壽未死。心乃大疑。遂立乘小轎直抵督署。後炸藥爆發處。所以行其心中之所視察。噫。史君此行膽

汁之富熱度之高。豈復尋常之所可思議。自己親爲此冒險之事。事發以後。卽又仍臨險地。暗行視察。視人之名爲冒險。而迴翔審顧不輕一下。甚或如對岸救火。其心力之相去。奚止萬萬倍哉。迨視察後。旣知爆炸地之範圍。不過如是。德壽無恙。徒傷死鄰近同胞。若而人心。乃索然爰直返家。偃臥（史君家住城內）。事發後。官家因查此屋爲何人住宅。則已遷徙一空。拿問房主。則言前月由某裱畫店薦引客人租賃。此屋並由該店蓋具圖章擔保。當卽拿問裱畫店。該店供稱。平素本不認識其人事緣。太史第某公子。史君堅如言。有友人欲租此屋。託余店鋪蓋具擔保圖章等語。於是官家乃大恍然。蓋近數月來城中官界之闕。傳史兄妹大有革命運動。但尙無實據。且史君係城中世家子弟。宗族親戚皆城中巨紳。因此政界亦無如彼。何及得裱畫店夥供詞。因立調大兵將史家嚴密圍困。隨由某管帶官直入廳事。捕拿史君。時史君方在廳間熟睡。瞥眼見此光景。乃問何事。該隊官乃言奉憲請少爺問話。史君曰。諾。乃相與偕。

出各兵前擁後推如臨大敵。既而發交南海縣令訊問。史直認不諱。問何故爲此。曰：政治腐敗，吾民種種受苦。至於忍無可忍，無非若輩狗官所爲。故吾欲得而甘心。問何人指使。曰：自己出錢自己辦事。以求達吾目的。此等事端置身家性命於不顧。史某非愚，豈肯受人指使而冒昧爲此之理。問黨與何人。曰：既云自己出錢自己辦事，烏得有黨。問然則平素相識往來者亦無之乎。曰：多問何人，則歷舉城中巨紳達官，非世誼則戚屬，問官無如何，乃收監不數日而遇害矣。

史君有妹曰憬然，年十六，好讀書，且習西醫術。嘗自歎曰：吾不幸作女子，身不能爲吾民出力，身臨前敵以殺賊，祇有熟習醫術將來同胞臨陣，或有損傷，吾得親爲看護，以期稍盡義務云云。其宗旨已可概見。是時堅如被隸家中，親疏伯叔昆仲均逃避一空。妹在港乃敢上省，三次謀所以救其兄者，人或苦勸，皆不聽。及堅如遇害，人有慰藉之者，曰：吾輩必殺德壽以爲令兄報仇。伊答云是。

亦不必吾輩非與德壽有仇。不過現彼適居此地位。吾輩不能不欲得而甘心耳。至事成則吾殺彼不成則彼殺我。何仇之有。噫十六齡之女耶。其見解如此。其膽力如此。愧煞鬚眉多矣。彼其志量豈復有所謂權位耶。後數年以疫卒。嗚呼。今日娘子軍中少一女英雄。殊可惜也。

史君有兄曰古如。卽昆仲二人同埋炸藥。而第一日不爆發。堅如囑其先下港而自行。迨返察視者也。古如因是不至。被隸生命得以保全。然自是家產房屋田地悉沒入官。古如上奉老母下撫妻兒。弱妹落魄殊甚。而終無怨言。既數月。余適由港赴北方。某報之約已下船矣。古如乃親攜酒饌到船。與余痛飲。酒間囑余到某報後。爲述其弟茲事始末。俾世人略知原委云。荏苒十餘年。當時該報既爲官力之所能及。且是時官家偵緝史君兄妹尙急。詳刊報上。恐於古如兄妹反不利。逡巡至今。後聞古如兄乃易姓名爲張超。然隱於附近香港之某村莊。訓蒙覓食十餘年。未嘗一通音問。嗟乎古君之含辛茹苦。吾深知之。而數

行。朏。囑。空。諾。十。年。吾。負。古。如。多。矣。迺。者。全。國。版。圖。次。第。光。復。堅。如。含。笑。九。泉。古。如。亦。當。破。涕。爲。笑。用。補。敍。數。行。於。此。以。稍。償。十。年。之。宿。約。焉。惟。是。憑。空。記。憶。罣。漏。在。所。必。多。筆。禿。墨。乾。未。足。鋪。揚。偉。績。尙。幸。有。深。知。史。君。者。修。補。而。是。正。之。可。也。

吳
樾



我請。先。後。果。有。烈。士。若。干。繼。之。者。然。則。吳。之。功。固。不。在。實。行。革。命。者。下。也。

字孟俠。皖北大族。品學思想。高出流輩。慷慨義烈。遠凌古人。以暗殺黨之先鋒。自任屢謀暗殺。屢失敗。方考察憲政。大臣出洋時。易從僕裝。混入汽車。親擲炸彈。爆發後。目的卒不達。願如此。達官貴人。心膽俱奪。嘗曰。中國人民四億。前仆後繼。何患不成。

鄒容



感憤興起者乎。

病。死。獄。中。其。絕。命。詞。有。曰。願。力。能。生。千。猛。士。補。牢。未。必。恨。亡。羊。噫。嘻。誦。此。二。語。有。不。

鄒容字威丹。四川巴縣人。年十七。遊學日本。後回上海。與章太炎相識。得其敘錄革命軍一書。出版後。清政府目二人爲首逆。藉英界巡捕捕章下之獄。君聞章入獄。因徒步赴獄。曰。我鄒容也。捕因啟鐵檻入之。翌年獄決。章禁錮三年。君則二年。願君卒。

劉鋒



劉鋒字肩宇福建長樂人。倜儻不羈。英姿颯爽。精拳法及劍術。初欲入福建武備學堂及保定陸軍學堂。不果。然居恆與兵卒雜處。每施惠以結其歡心。雖他時日用缺乏。有不顧辛亥三月粵垣之役。偕鄉里同志諸子。投身受重創。爲官軍所捕。臨刑時。挺身就戮。死尙不卽仆。嗚呼烈矣。

熊成基 附石德寬喻培倫



熊成基

石德寬

甲午以後。政治廢弛。朝廷握大權者。無非乳臭之親。貴國之衰危。不可終日。有志之士。圖維革命事業。或奔走海外。或委身仕途。其行爲不同。其目的則一也。光緒三十四年秋。清兩宮一時殞逝。未十日。人心恟恟。大有乘機變亂之勢。安慶礮隊。突然叛變。熊成基實其主謀。時官軍正大集河南。行秋操之典。熊事既敗。清政府懸重金購熊。歷久不得。客歲洵貝勒出使歐洲。乘其歸。欲於哈爾濱狙擊之。不



幸。事。洩。被。捕。遂。於。吉。林。城。就。義。尙。有。石。德。寬。喻。培。倫。二。君。惜。不。傳。因。附。見。於。此。

附錄熊承基供詞

吾。生。平。磊。磊。落。落。言。無。不。吐。既。經。明。問。直。書。胸。臆。以。答。

宗。旨。推。倒。野。蠻。專。制。之。政。府。重。行。組。織。新。政。府。俾。我。同。胞。永。享。共。和。之。幸。福。以。洗。滌。我。祖。

國。歷。史。上。莫。大。之。恥。辱。

理。由。滿。人。自。吞。我。土。地。以。來。待。我。漢。種。之。手。段。異。常。陰。毒。入。關。之。初。殺。我。漢。族。彼。時。尸。骨。已。積。成。一。大。地。氈。蓋。於。中。原。之。全。部。鮮。血。已。積。成。一。大。紅。海。滿。於。支。那。之。本。部。當。時。稱。爲。白。骨。山。紅。澤。國。殆。非。虛。語。然。最。慘。者。惟。我。揚。州。滿。兵。入。城。連。殺。十。日。靡。有。子。遺。揚。州。如。此。他。處。可。知。其。後。歷。年。來。待。我。漢。人。之。尤。陰。毒。者。歷。舉。如。下。

一。海。陸。軍。權。不。與。我。漢。人。也。自。滿。人。入。關。以。來。二。百。餘。年。兵。權。專。屬。之。滿。人。之。手。偶。有。不。肖。漢。人。殘。殺。同。

胞圖媚彼族如曾國藩等而彼必仍派滿人官文等從中箝制之卽如近年來創設海陸軍關係何等重要彼果有改良軍事之意中國之大豈無人才如彼所派管理之員如載洵載濤鐵良等何嘗稍有軍事上之知識而彼利用之者誠不知其是何居心

二政權不與我漢人也從前各行省督撫監司中必有一二滿人暗行監督而省會及邊防險要之所無不有其將軍都統副都統監視之近年利用中央集權主義假意融化滿漢裁撤將軍都統試一觀之自改定新官制以後軍機爲樞密重地而奕劻領班外交爲聯合機關而那桐用事財政爲辦事之母而載澤當權資政爲議院之基而溥倫尸位其他如民政部之用善耆農工商部之用溥珣理藩部之用善耆法部之用廷杰大理院之用定成學部之用榮慶無非滿人僅餘無關重輕之吏禮郵傳三部委之漢人之手豈真才智不相及歟吾不得而知之矣

三不問我漢人之生活也我漢人終歲勤苦所得幾何罄其脂膏不足供皇室之揮霍而至疏且賤之旗丁每月必給口糧現知月餉不能久持日爲八旗籌生計而我漢人之生計又如何耶其尤甚者一遇災年僅予區區數千金之款動修謂深仁厚澤抑知此數千金之內帑係漢民之脂膏乎其重滿輕漢之意不待智者而後決矣

四不開我漢人之智識也現在學堂雖漸設立而宗旨不正不願以國民教育爲目的其所陶鑄者非利

祿之夫。卽庸儒之輩。間有奇材異能。魁傑卓犖之士。必多方挫折之。使不得行其志。甚至農工商最有益民生之學堂。亦不肯徧設。嗟我漢人。何堪設想耶。

西人常言支那人有四萬萬之多。竟爲五百萬之野蠻滿洲人壓制。二百餘年仍未恢復。此可見支那人之奴性。甲於各種人矣。苟實行瓜分中國。必不敢拒制。又聞歐西以一時受制於人。雖以海水尙難洗盡歷史上之恥辱。而我漢族歷史上二百餘年之恥辱。當如何洗之耶。

以上之理由。故有種族革命之決心。現在處於競爭之時代。強者存弱者亡。人所共知。而我中國土地如此之大。人民如此之多。何以不能立於優勝之地步耶。要知月先暈而後風。礎先潤而後雨。吾中國之所以弱者。由於政治不良故也。或云現在預備立憲一經實行。則中國之病根必可消除矣。噫。此乃不知根本上之解決也。譬如人生一癰。徒以藥敷其外。不肯將此腐敗肉挖去。能期全愈乎。况君主立憲乃特別專制之代名詞。非人民得有參政權也。夫在未立憲時代。助政府壓制人民。皆不過官府而已。設已立憲。反多各省之議員爲政府助矣。君主立憲時之議員。乃非禽非獸之蝠。日則入於獸類。以買獸之歡。夜則入於禽類。以驅禽之食。然謂爲非禽非獸之蝠者。猶屬良善名詞。其實與御者等。不過爲貴族執鞭策馬而已。有以上之理由。故又有政治革命之決心。

綜此兩念比較參觀。種族革命開其先。尤必有政治革命繼其後。何以言之。推倒滿政府固爲今日除一

大。障。害。而。政。治。不。能。改。良。仍。蹈。數。千。年。專。制。之。弊。則。雖。以。漢。易。滿。亦。未。必。彼。善。於。此。吾。同。胞。當。知。我。今。日。之。革。命。不。僅。爲。種。族。問。題。尤。注。重。政。治。問。題。也。

處。置。前。年。南。洋。湖。北。兩。軍。赴。皖。秋。操。之。時。適。逢。那。拉。母。子。命。終。之。日。人。心。騷。動。我。處。先。發。他。處。必。相。繼。而。起。且。秋。操。之。軍。皆。係。皖。之。鄰。省。軍。隊。我。若。得。安。慶。重。地。隨。赴。秋。操。地。招。撫。南。洋。湖。北。兩。軍。該。兩。軍。既。爲。我。得。則。兩。省。亦。在。我。掌。握。之。中。既。有。此。天。然。根。據。地。一。面。宣。佈。獨。立。一。面。攻。取。他。省。值。此。人。心。思。動。之。際。其。勢。如。破。竹。必。矣。兵。力。既。厚。再。行。北。上。我。之。目。的。可。達。因。有。以。上。之。希。望。故。於。十。月。二。十。六。日。約。同。志。數。人。會。議。幸。彼。時。全。數。贊。成。遂。於。是。日。午。後。四。時。頒。發。命。令。如。左。

一。與。我。反。對。之。軍。隊。(甲)水。師。一。營。在。西。門。外。(乙)巡。防。一。營。在。北。門。內。附。近。(丙)城。內。外。火。藥。庫。有。巡。防。兵。兩。隊。(丁)撫。院。及。各。衙。門。之。衛。隊。約。兩。隊。

二。我。軍。決。於。今。日。午。後。十。時。齊。發。先。取。城。內。外。兩。火。藥。庫。後。全。隊。進。城。各。盡。任。務。於。次。日。午。前。五。時。在。五。里。廟。齊。合。再。俟。命。令。出。發。

三。一。標。同。二。標。第。三。營。先。赴。北。門。外。火。藥。庫。得。有。子。藥。後。一。標。第。二。第。三。營。進。城。助。城。內。各。營。攻。擊。其。第。一。營。攻。擊。西。門。外。之。水。師。營。得。收。撫。卽。收。撫。否。則。攻。潰。其。兵。收。其。軍。械。二。標。第。三。營。留。守。火。藥。庫。

四。二。標。第。二。營。同。工。程。隊。先。赴。其。營。旁。之。軍。械。局。得。有。子。藥。後。工。程。隊。留。守。軍。械。局。二。標。第。二。營。以。兩。隊。

攻破巡防營以一隊先開西門待馬營進城後再赴北門開城留守北門又一隊攻擊撫院
五礮營先徒手出營至馬號舉火以作全軍出發之號令舉火後至北門外陸軍小學堂奪取步槍得槍
後旋至該小學後取子藥進城以一隊守南門兩隊巡街。

六馬營由西門進城直赴軍械局得有子藥後以一隊守西門一隊開東門後留守東門餘兩隊奪取電
報局。

七輜重隊直赴軍械局得有子藥後保護教堂及外國人。

八講武堂各生充衛生隊之任隨時搜尋城內外死傷兵士歸入該堂調治。

九各標營隊之出力人員次日午前論功封賞。

十各標營隊之兵士及民人等如有乘機搶掠等事由巡衛隊臨時照軍法從事。

十一巡警兵如有願降者礮營收納之編入隊內巡街。

十二各文衙門之官員不准任意殘殺。

十三無論軍民人等不准出入藩司衙門。

隊官熊成基在城內軍械局。

變局處置既定之後於十點鐘礮營齊集站隊陳昌鏞首先梗阻不得已刃斃之出營後至馬號舉火。

爲號。先至陸軍小學取得槍枝。又至火藥庫取得子彈。率衆入城。不意薛哲失約。以致進城之目的未達。斯時馬營亦遵命而行。獨步營因無首領。未及出發。礮營見步營未出。不得不以槍恐嚇步營。破後其兵有逃遁者。有跟隨者。復至火藥庫取其礮彈。在臨江寺附近高埠射擊城內撫院。斯時各營隊雖有攻城之心。而恨無內應。兼之一晝夜未得飲食。城既未能攻破。而兵船之礮彈。又來各兵。平時雖深受教育。堅忍刻苦。奮勇無前。無如官長已歿。指揮攻城時亦無暇編制隊次。我令稍稍退卻矣。且我之希望在收撫太湖之軍隊。旣一晝夜不得皖城秋操之兵。必先得信端方。蔭昌雖屬無能。彼必預備巡防營及衛隊。與我抵禦。秋操兵必另調他處。我雖決死戰。志不能得。秋操之軍隊。秋操之軍隊。旣不得。我僅有千餘人。能期成事耶。故次日午後。設計保護各兵。向西北退走。並命各自回家。再謀機會。過桐城時。約有千餘人。至廬州。仍有三百餘人。衆心依附。不肯遽離。斯時姜桂題兵。又追至我。反擊姜軍。潰逃更多。方百計遣退衆人。間關跋涉。由豫而魯。竟成一不可思議之變局矣。

陳天華

陳天華。字新臺。湖南新化人。生丁多難。父母早世。亦無兄弟。子然一身。備極艱苦。稍



長肄業於實學堂。從鄒代鈞治地理學。甚精。後就學長沙。求實書院。從袁緒欽問學。緒欽嘗語余。吾院有一生曰陳天華者。真人傑也。吾聞而心識之。光緒二十九年。留學日本。是年冬。有列國瓜分中國之說。君耳之。若狂見友人。輒潛然垂淚。未幾。值日

俄事急。爲義勇隊。奔走甚力。或間刺血書寄歸。長沙學堂諸生。皆大感動。爭用兵法。教練備圖。緩急。天華居東京。又時時著書作報。以告國人。如世所傳警世鐘及其

他文字甚衆。或單身返國。上書巡撫。請獨立。趙爾巽時慰遣之。數窮困。衣服飲食。人所不堪。處之泰然。獨念及國事。痛人心之懷恨。已無氣力。以自振拔。則嘗誓死以激衆。嘗會鄉人演說時事。座中多感激泣下者。曾周遊湖南各地。結納綠林豪客。時湖南志士。又謀獨立。君參與之事。洩同志星散。乃再至日本。會取締規則。事起留學生。相率罷學。歸國。日人肆口罵詈。謂爲放縱卑劣。天華發憤傷心。遂投大森海。死年二十有幾。時在清光緒三十一年也。後歸葬於嶽麓山。

新史氏曰。華體弱。又口吃。不能雄辨。其爲文章。直抒胸臆。不事雕飾。獨委其身。以憂國事。悲歡喜戚。一以寄之。而無絲毫爲身計。其至誠怛惻。天下所僅見也。徒黨角立。意見歧分。至言及天華。則無不斂容歎敬者。其吉田松陰之流亞歟。

禹之謨

禹之謨。字稽亭。湖南湘鄉縣人。性豪邁。讀書通大義。貌清癯。目光炯炯。照人夙抱民權自由之說。庚子拳匪亂後。八國聯軍入北京。事平天下。皆知革新之不可以已。君時在滬。以爲革新事業條理萬端。然國民貧弱。外貨內流。精華消竭。實爲致亡之本。非振興工業。不足以言革新也。乃拂衣東渡。躬習紡織之學。學成歸國。開局於皖。旣而返湘。湘中大吏知其能。畀之千金。使創立湖南織布局。湖南之始有機械。君之力也。君日與織工伍。親勤操作。工餘時與之講愛國大義。謂富國固在工藝。然國家元氣固非僅機械科學所能振也。要在人各自立。無牛馬其心而已。工人聞之。皆大奮爭。自濯磨。君居常服西裝。單衫帶革。短髮垂帽。緘之。右常曰。是拿坡崙帽也。聞者適然驚之。癸卯而後。各省學校次第設立。游學東西洋者踵相接。而湖南尤盛。臬司張鶴齡主持學務。雅尊自由。學子憬然慕義流風。所扇士氣日益振。時美國虐待我國工人。沿海州縣議禁用美貨。湘人行之尤力。又遇日俄媾和。清政府密謀以閩與日

易遼舉國大譁。湘中人士集衆開會討論。電樞府抗爭甚力。君獨雄於辯議。論颺起。因被推爲會長。名噪湖湘。間未幾而有陳姚二生之事。二生者新化陳天華益陽姚宏業俱游日本。慟國之將亡。蹈海死者也。歸視過湘。學界慕義若狂。議葬嶽麓官地。以示表異。大府禁之不可及。葬期學徒咸衣白衣。舉素旗送之。來會者凡數千人。一時忌者咸謂君實主使。以爲有異志矣。會湘鄉抗爭鹽商浮收行用事。君亦與焉。大府坐君率衆鬪。署罪下令捕之。亟人謂君且避匿。君不可。遂逮繫獄。丙午六月二十日也。未幾檻致常德。又移靖。十一月二十一日遂殺之。年四十一。君在獄時少年志士時來暱就。君與之講學。勿衰暇輒展紙作擘窠大字。言身死志存以勸國人。蓋庶乎古之殺身成仁者矣。然君亦自審無罪。不足以死也。值瀏陽革命軍起。會城戒嚴。遂以速君死。君死身無完膚。嗚呼酷已。

何自新

自新何氏名見田號季達湖北黃岡人素任俠放蕩不羈其友畢惠康以醉俠呼之故又號醉俠云君少而失怙母邱氏撫之成立少穎異其季父質夫先生令就學弱冠能文下筆娓娓不竭諸師友爭以科第勗之而君獨不屑屑於舉子業居常以結納豪俊爲務年十七補諸生旣而削籍不與鄉舉是時滿清那拉氏擅政時事日非外侮薦至君慨然於國民權利之日削世亂之未有已提倡盧梭孟德之學說欲摧滿政府而更張之以爲欲變政治者當自學說始著書立論與民族人權之義三致意焉雅好物色英雄謂士類不足與語間從屠沽市井游求悍夫亡命可與立功名者嘗西道荆施求蜀中壯士經年始反以武漢爲長江上游南北關鍵水陸畢萃中外會通財賦兵力爲東南冠舉足係天下重輕乃與劉君敬庵朱君元成王君漢陳君邦杰胡君經武邱君起華鍾君大聲季君雨霖徐君竹平張君佩紳邱君介甫熊君子香殷君勤道熊君牧黔張君漢何君通等設日知會於武昌聯絡軍學各界籌

畫大局且時以講學畜德交相勸勉一時人心民智大爲感發革命風雲弭漫全鄂矣丙午冬月湖南萍鄉起義不克陳君邦杰死之清廷株及天下志士鄂督張之洞陽奉旨意而僞志士葛某爲之佞劉敬庵胡經武朱元成季雨霖殷勤道等皆被捕入獄君與鍾君大聲亦在捕中鍾君奔日本君變姓名遁江右道里艱難險阻備歷時人比之瑪志尼焉君之走江右也余亦與當道相忤僑居於此相與過從甚密嘗痛論當時學風士習之壞謂宜隱居求志明道術以正人心築室深林蕭然物外窮究宇宙真相人生本原默識冥探時有所悟君之持論大抵通儒佛老而一之其說於陽明李贄爲近余嘗贈君詩云參佛師聘願學孔蓋實錄也晚近士大夫言新學者往往有菲薄先哲毀棄道術之思而君獨毅然有守先待後舍我其誰之志與余及詹君大悲宛君思演約爲學會互相講貫期於闡發古賢聖之旨而俗論或非之先是余講學黃岡之白雲山劍峯昌明真我之說君豁然有悟謂真我無量現身無量一死生忘物我圓融活潑理事無礙余嘗謂明類中聰明特達之才以君爲最充

其所至。自當抗希古人。而君竟以庚戌冬月化。去年三十也。平生銳意述作。惜其早夭。不得竟其業。拙輯翼經錄。君嘗有志校定焉。自君之卒。後未一年。而武昌起義。中華民國成立。君之友有王君漢。劉君大雄。朱君元成。陳君邦杰。皆死義者也。

陸浩東（與公）

烈士者乙未年廣州發起革命朱邱陸程之一也姓陸氏名宗桂浩東其字香山大都隔田鄉人父曉帆操航業於上海性慷慨好施與獨生烈士一人隨侍於滬烈士幼聰慧工翰墨精圖畫每見各廠機器輒能繪圖照式構造讀英文八閱月卽能充電報繙譯生尤妙詞令滬中西人士一見輒傾慕欲與訂交烈士幼喪父弱冠後返里娶鄰鄉蒲山村邑廩生黎慷棠之女爲室孫逸仙先生香山大都翠坑鄉人也距烈士之鄉不遠時相過從與談時局互相傾倒於是倡行革命於廣州欲先得兩粵爲根據地然後由湖廣直撲京津傾覆滿清政府建設新共和政府計議已定烈士卽鬻田產訣母與妻謂廣州密議起事謀洩而烈士知之最先乃請孫暫避乙未之歲孫得脫險於廣州者烈士之力也孫行後烈士復入城告各同志令分途逃竄而捕已至遂與朱邱程諸君子同被擒獲時兩廣總督爲譚鍾麟飭南海李令徵庸提訊叱之使跪烈士不爲屈慨然索紙筆認供振筆直書洋洋數千言李令本慈祥又

最愛才見烈士非凡品。文字亦甚暢達爲之泣。數行下曰。汝英年妙品。胡爲自取殺身之禍。汝不自惜。吾甚爲汝惜之。烈士叱曰。中國地大物博。民衆甲於全球。徒以滿清政府政體專制。外交失敗。坐使貧弱達於極點。吾等今日舉事。本欲傾覆滿清政府。更立新共和政府。凡有效功於滿清。如汝輩者。吾等滿擬殺一二以警其餘。今謀洩被執。我旣不能殺汝。則汝今可殺我。有何可惜云云。旋有駐粵美領事爲之保證。謂此人爲電報局繙譯生。必非謀反者。李令以其供詞示之美領事。亦無如之何。翌日卽與朱邱兩君駢戮於市。就義時。李令猶飭人衣以長衣。揮淚而斬之。年二十有六歲。

附錄陸浩東供詞

據供姓陸。名宗桂。字浩東。香山隔田鄉人。遊滬多年。今始返粵。與鄰鄉翠坑孫文同憤政府之腐敗。專制官吏之貪墨庸懦。外人之陰謀窺伺。種種情狀。憑弔中原。荆榛滿目。每一念及。真不知涕淚之何從也。居滬多年。碌碌無所就。乃由滬返粵。恰遇孫君客寓。過訪。遠別故人。風雨連牀。暢談竟夕。某方以外患之日。

迫欲治其標孫則主滿仇之必報思治其本連日辯駁宗旨遂定此爲孫君與某倡行革命之始蓋務求警醒黃魂光復漢族無奈貪官污吏劣紳腐儒靦顏鮮恥甘心事仇不曰本朝深仁厚澤卽曰我輩踐土食毛詎知滿清以建州賊種入主中國奪我土地殺我祖宗擄我子女玉帛試思誰食誰之毛誰踐誰之土揚州十日嘉定三屠與夫兩王入粵殘殺我漢人之歷史吾粵父老猶多聞而知之而謂此爲恩澤乎要之今日非廢滅滿清決不足光復漢族非誅除漢奸又決不足以廢滅滿清故吾等尤欲誅殺一二狗官以爲我漢人當頭一棒今事雖不成此心甚慰但一我可殺而繼我而起者不可盡殺公羊旣沒九世含冤異人楚歸吾說自驗吾言盡矣請速行刑 按原供約三千餘字當時民智閉塞官吏專橫較今尤甚且報務尙未發達卽有一二報館亦不敢將供詞登載僅得李令幕府中人傳述一二事隔十餘年幾於忘之昨偶與人言乙未廣州革命事因略述於是

陳文波 (善)

自民族主義昌明以來。圖大舉者屢矣。其間願走集革命軍前効馳驅者。實統凡百社會而皆備。蓋天賦人權。不擇人而與。苟腦筋稍淨者。一經刺激。固無不以帖伏滿清政府之下。爲可恥。而以光復大漢聲威爲天職。故義聲一倡。高才鴻哲。至焉。販夫力役。至焉。種種人物。不勝枚舉。高潔神聖之平等團體。則然也。顧及其舍身流血也。轟轟烈烈之大名。必其文采風流。足以照耀環球者。先享之。口碑流傳。報章敘述。嘖嘖稱道之。不衰。綉幅無華。椎魯少文之健兒。除成仁取義外。無他可稱者。不與焉。吾念及此。吾雖竭九頓首極致之崇拜。尙不足以鎮吾奮興之腦筋。忽忽然臨風累欷。灑無窮之酸涕也。嗚呼。世界非常之舉。有名英雄倡之。無名英雄成之。流無量無名英雄之血。作有名英雄乘風破浪之潮流。願忍聽其與自經溝瀆者。同歸消滅。亦後死識字者之恥也。吾固識字者。吾已恥之。吾願一雪之。而以述陳君文波爲始。陳君潮州大埔大興沙村人。文波其字也。少年謀生南洋。早吸自由空氣。鑿聞自由言論。

故抱革命思想。獨早曾爲水客（俗呼爲人作寄書郵者之名）往來中國南海者數年。所至輒鼓吹復仇。破除迷信。甚力。有詆排者。雖鄉先達。必面折之。不稍顧忌也。後復往吉打爲英人開墾工頭。混跡數年。隨卽設一小商店於其地。攜家屬并娶一婦在焉。而君倜儻之氣不少。衰念數年來。祖國革命軍隨起隨滅。皆漢大奴甘爲滿清政府出死力。不惜殘殺同胞。以媚之爲高官厚祿。代價於是遂蓄暗殺之志。今歲溫君生財。陳君敬岳實行於越王臺下。名震五洲。君固早寄同情。且深恐祖生先我著鞭。日日思向七洲洋內渡者。而吾由此推之。尤足窺見我同胞之抱暗殺主義者之方興未艾。君已蓄此志。乃日籌進行之方。

去冬。遇黨內某部實行員某某於某處。告以大舉在即。若暗殺大員。必戒嚴爲梗。勸君暫改方針。君從之。某遂招與同事。卽束裝還祖國。乃託家屬於友人楊君某。并授遣囑。處置二婦。其決心如是。當起程時。胡君漢民及溫君□□曾與君謀在粵垣有所秘密運動。令君任其役。卒以非旦夕可成功而止。及至省城。助理聯絡黨員及密

運軍械皆不惜艱險。一種機警性質尤出自天授。辛亥三月二十八日大舉期近。一切佈置尙未周匝。黨員多以爲慮。君獨豪氣奮發。有一往直前之概。同座以爲狂。君舉目上視。漫不爲意。且手舞足蹈。懸揣其施放炸彈之狀。以爲樂。二十九日事急。午後君猶盡力於運送。事次日留省學界某君在觀蓮街口見君被清巡防勇執赴斷頭地。此爲余親聞某君口述者。嗚呼。此數十小時間君之血流之五羊城。君如何與清軍戰不得詳。然骨埋諸黃花崗矣。君疏於文墨。詩詞非其所長。某報有登其遺墨者。乃有心人所託也。君娶日婦已數年。諳日語。君狀貌又甚肖島國人。自言我行暗殺。必僑裝日商賣藥狀。余在港初見君時。固疑君爲白浪滔天之流亞也。君有子一。僅十餘歲。亦攜至南洋。近不知何若。又君以經營商務。曾稱貸於同邑李君某。負債頗鉅。其返國也。李君以其爲光復行。慨然取消。亦豪舉也。例當附書。

血史氏曰。自三月二十九後。傳君者不一。有謂往惠州者。有謂自港返家者。有謂二十九午後往河南運軍械未得入城者。實則皆臆測之詞。當以某君目擊爲確。而人

多。不。信。某。埠。開。追。悼。會。時。已。書。君。名。於。靈。位。矣。忽。有。人。爲。塗。去。吾。揣。社。會。之。心。理。固。有。以。君。爲。粗。人。無。足。輕。重。者。可。歎。也。爰。述。君。生。平。藉。以。表。揚。奇。行。且。抒。感。慨。抑。尤。有。進。者。廣。州。之。役。甘。流。血。如。陳。君。而。其。生。平。可。資。人。觀。感。者。當。必。不。鮮。倘。能。文。之。士。不。吝。筆。墨。樂。爲。敘。述。其。足。振。大。漢。民。族。之。光。榮。者。寧。有。既。乎。余。日。望。之。

徐錫麟(巽吾)

徐錫麟字伯蓀。浙江紹興府山陰縣人。年三十五歲。少有大志。識膽過人。癸卯以廩生中本省鄉試副車。漸充山陰縣學堂堂長。紹興府學堂監督。又創辦大通師範學堂及明道女學堂。壬寅卯癸間。糾股設書局。運售東西洋圖書。以爲輸入文明計。後偕富紳許某赴德國留學警察學堂。六越月畢業。復至日本稍習日本之語言文字。而與彼國之士大夫廣結交好。既歸國。納資捐道員。指省安徽候補。初謁皖撫恩銘。縱論軍政。恩銘頗倚重之。又以爲俞廉三表姪。俞致書恩。爲之先容。得充陸軍小學堂總辦。丙午二月。兼委巡警學堂會辦。恩銘常語人曰。徐道辦事切實。可嘉。固不知殺恩者卽徐也。丁未五月。徐猝起事。擊殺恩。先是江督捕黨人葉某。訊供同黨多。蝟集於皖。並舉徐別名言之。江督卽電恩嚴密偵探。恩邀徐協商。不之疑。徐陽諾之。陰畏之。恐一旦事露。爲所制。不若先發制之。是時徐所辦巡警學堂將以二十八日畢業。例由制撫親臨閱操。適恩以二十八日須祝慕府章君太夫人壽。擬改期二十六

日徐力言爲時太促恐不及恩因傳收支委員顧松問之顧以一切齊備對卒定二十六日徐計爲左銜顧甚深然徐志已決事前數日無日不大宴賓客費七百餘金凡預自役之官僚徐皆躬自詣請期其必至以施一網打盡之計及期又設盛宴於花廳預埋炸藥廳下請各官宴畢然後閱操不意恩銘令先閱操後設宴徐恐佈置之徒勞且疑計已外洩起事之心遂益急乃於恩之將閱操時僞請先考內場功課於是恩及諸司道入禮堂徐服軍服立禮堂階上諸從官行鞠躬禮恩甫答禮畢學生正擬行禮徐卽趨前謂今日革命軍起事恩愕然詢以何自知者蓋恩此時尙不意革命軍卽徐自謂也倉卒間徐先擲炸彈於地發聲未裂繼由徐黨馬宗漢舉槍擊恩中右手宗漢急遽不得再發徐卽出靴間兩短槍握以左右手連擊恩最後由尾閭洞穿小腹遂仆地猶大呼捕徐徐見恩足致命卽僞告學生制撫已爲顧松所刺吾等須往保軍械所拔刀出禮堂在禮堂外者尙不知禍所自始徐則與陳伯平馬宗漢俱橫目視學生促前進學生有違抗者格殺之餘之近徐者各惴惴從稍後

徐者狂遁遠去莫知所措抵所者僅二十餘人徐抵所後僞稱制撫被刺命來守護該所總辦周家煜駭而走徐卽據爲抵禦急飭學生將所存新舊各礮試用惶急間均不如法捕者官軍已齊至徐與陳馬出守大門鎗斃弁勇六人相持至六小時之久見勢不敵急返身入踰垣匿方姓醫室陳伯平爲官軍擊斃馬宗漢亦被擒學生及役從擒者二十餘人衆官軍入所搜索但見軍帽戎衣遺棄地下知己易裝脫逃報至撫署衆失色或曰徐必他匿皖藩馮煦深然之仍飭嚴搜懸重賞至下午四時始於方姓宅內捕獲押解督練公所馮潘裕臬訊以恩撫待爾不薄奚爲出此曰恩撫待我我知之然私惠也我之刺恩乃天下之公憤也此事僅我與友光復子宗漢子之所爲其附和之羣學生程度太低皆迫於不得已非其罪罪我一人可耳寸磔我身幸母累及他人又曰新甫死未新甫恩銘字也告之曰未死僅小傷業由西醫治愈翌日當躬訊爾徐則大氣沮垂首不語者移時繼又告之曰爾知罪乎知明日將剖爾心肝乎徐忽大笑曰然則新甫死矣新甫死我志償我志旣償卽戮我身爲

千萬片區區心肝何屑顧及指裕曰爾幸未死裕大震幾踣繼曰殺爾誠無濟卽不殺爾庸何傷我之志擬先殺新甫次端方鐵良良弼也曰盍不擊之署中曰署中私室學堂公地大丈夫作事當令衆同共見又訊以黨人幾何堅不答訊以教習同謀否曰教習衣食者徒無一能與謀者給以紙筆令自書供則云我我捐道員至此爲革命耳作官者僞也滿人虐我漢族者近三百年日日言立憲愈立憲愈專制我是以牢守革命宗旨蓄志者已久惜今日目的未全達云云末又言速戮我母枉他人使天下後世皆知有徐某者何榮如之旋援張文祥刺馬新貽例剖心致祭衛隊某并取肝烹食之露屍大雨一日夜二十七日午前始埋屍北門外徐父鳳鳴號梅生年六十餘素不以錫麟舉止言動爲然聞警不戚並以上有八旬老母戒家人毋哭泣已則託購物詣會稽縣自首訊無他卽釋出而其弟徐偉被株連困於獄女友秋瑾竟以此被殺嗟乎設計排異族專制困心橫慮自革命以來未有如是之烈者也而被禍亦至酷然自是滿族無寧歲以迄於今革命卒大告成夫防川者遏之彌甚

潰決之禍。彌烈信矣。邇者徐陳馬三靈櫬。已自皖移葬故鄉。中途追悼者。動輒累萬人。如獲至寶。抑又甚榮矣。三烈士者。雖死將有永永於不死者乎。不有倡導者。曷有繼隨者。徐錫麟之名將。通全球。貫萬世紀。而不泯滅也。特不知當時非之者。至此又云何也。

陳伯平

伯平。陳氏。名淵。字墨峯。一號伯萍。本浙紹平水籍。幼生閩江。性慧。喜讀書。樂聞故事。年四歲。隨諸兄就傅。目解十行。羣以神童目之。越年。先君見背。家況蕭條。而先兄讀不輟。尤好武事。嘗懸大沙袋於臥室梁上。日必數擊之。以練手力。一日。擊袋失足。跌折腿骨。醫藥三月。始能離榻。同列戒之。而先兄不以挫折易其好行之益。堅其果毅。勇壯。要非諸兄妹所能及也。十五。從四兄墨濤。就學閩省某中學校。各科學。每居人上。同硯。皆以學長呼之。而總辦陳同善先生。尤爲器重。翌年夏。時疫流行。長兄幼弟。相繼罹疫歿。家慈慮其傳染。囑歸鄉里。先兄遂輟學家居。鬱鬱不得志。次年春。獨身赴學石門某校。旋因該校內容未善。返家。杜門潛修。仍兼習拳術。如是一年。會童子試。親長迫之行。遂入泮。親友來賀。避不欲見。蓋深惡科舉腐敗。而貽汶汶察察之羞也。明春。同鄉徐公伯蓀。在紹設立大通學堂。注重體育。欣然就學焉。復爲徐公重愛。引爲心腹。是年冬。隨徐公東渡。學警務於東京。次年夏。復同返國。常往來於甯滬間。

所事頗祕密。曾製炸彈於滬上。誤傷手額。醫半月始愈。迨歲暮回家。家慈詰其久不歸之故。曰：天下皆家兒。將以國爲家矣。其心醉國事如此。又明年。秋女士瑾創辦神州女報於海上。先兄力佐其成。未幾。應徐公招往安慶。自後家報鮮通。迨事發。猝遭慘禍。時年僅二十三歲。嗚呼！兄爲國死矣。其如慈母何。雖然。皖城一擊。作革命之先聲。志士相承。乃有今歲八月十九日之大舉。今則河山重整。五色旗飛。招英魂於皖北。奠玉露於滬西。志屈生前。氣伸死後。男兒如此。顧復何求。吾兄有知。當亦含笑於九京矣。沅不學無文。愧不能增光泉壤。敬泣以聞。胞妹沅述。

馬宗漢

馬宗漢字子畦浙江紹興府山陰人。幼性聰慧。與陳伯平同爲徐錫麟之門弟子。當徐謀擊恩銘之計。既定。知者殊尠。惟陳馬二君始終力助之。及期。恩銘以下。皆至巡警學堂中執事。有顧松者。偵知徐謀欲敗之。而獻功於恩前。故徐於匆遽之際。首擊顧松。而還擊恩銘。及徐出據軍械局。陳馬二君從徐守局門。藩臬以下發兵來攻。陳馬二君抵拒最力。刀折彈絕。援師不至。陳君死之。馬君被擒。越五十日。戮於市。辛亥九月。浙江光復。湯都督迎徐錫麟及陳馬二君之柩歸葬。西湖道經南京上海。開皆會追悼。到者彌衆。莫不潛然涕下。嗚呼。亦可以不朽矣。

周達

周達號人仇。嘉應周輝浦君之子也。性慧敏而烈。蚤歲受家庭教育。卽具民族思想。十五歲應徵兵選。旋入陸軍小學堂。心慕中國志士。萃於南洋。迭以退學游歷。請於其尊人。其尊人時以欲爲英雄。須具學問爲戒。乃於本年六月卒業。後私往南洋學炸彈術。聞炸李準事發。而恨張鳴岐尙存決計。主張暗殺。因病不克行。及聞武漢軍起。乃組織敢死者二百餘人爲炸彈隊。馳返廣東。此次廣東北伐隊起。自請編入。當事許之。烈士亟思多造彈丸。尅日滅虜。乃於十月初二日申刻。在諮議局空屋內。閉門趕造。時同屋四人。因藥性過猛。兼爲旁人誤觸。倉猝暴炸。四人中僅何某一人得免。然亦傷重身死。烈士屍身。直至初二日申刻。始撥燼餘尋獲。同人猝備棺殮。不及成禮。可哀也夫。

溫生才（巽吾）

吾國抱革命主義。挾愛國熱誠。力行而不惑者。以粵東爲多。提倡亦先醞釀。鬱積者久。蓋幾於家喻戶曉之矣。溫生才者。粵嘉應州一窶人子。半生泊賤役。初爲沈宗濟

溫 生 才



僕從之。連州任。得沈歡妻。以婢。後又轉。輾入行伍。投馮子材。陳其光。各軍。碌碌。無表見。則自鬻。至南洋。爲苦工。蓋其困。於生計。闇於智識者。素矣。繼因友識。孫。公逸仙。於南洋。聆言論。輒如航。汪洋。達。彼岸。慨然於身世。漂泊之所。由卽一意。

以伸種族。政制之憤。爲己任。逕返粵。時袖五響短槍。狙伺滿官吏。思得一當。志在增。祺。增祺乃前。去適孚琦。以滿貴族榮祿。從侄由陵。差洊升步軍統領。外任廣州將軍。蒞粵未久。一日聞有演駕飛器者。奇之。出遊觀。迨暮返途間。突遭溫生才累擊五彈。

斃從者。駭遁。溫從容行。然彈實罄。警卒鄭家森尾以擒溫。武有力。揮仆之。謂若將居吾爲奇貨乎。無動。隨若行。慷慨詣官。自首。訊顛末。惟痛言專制之爲厲國仇之未報。將欲爲同胞伸氣。雪恥。自恨無百金。有百金者入京。將大逞志。今日之事。不必於孚。將軍亦不必不於孚。將軍於孚。將軍無私怨也。窮韜無枝節。遂就戮。年四十二歲。戮時神氣鎮定。陽陽如平常。異吾氏曰。溫生才。所謂朝聞道者。非歟。觀其侃侃不撓。行事簡直。類古豪俠之率情逕行者。然滿官吏以是心。不自安。惴然於暗殺之禍之益烈。舉朝震動。下至郡縣。滿吏莫不懍懍。迹所由一孫公之論議爲之。然則孫公革命能力沈毅。爲何如。今者光復我故物。固護我民權。共和至。治行見爛焉。炳焉。惜乎溫生才之不之見也。然溫生才吾知其無憾也。

陳軍雄

陳軍雄字官勝廣東興寧石馬鄉人也少揮霍無志於生產業曾學技擊術時或飲酒自豪生性固難馴也父見之雅不欲強之作商家素貧瘠無多資以營大買僅令作小販子禪數年常鬱鬱值伊父里旋聞循州有所謂三合會者往投之惟時滿清專制之毒雖深革命學說猶未大盛知之者惟上流士夫而軍雄以局躋市塵與交結者類皆屠狗之輩是以未得介紹入黨己酉歲說學大著普通社會類能述革命宗旨軍雄始翻然悔悟知身廁綠林斷不足成大事卽投入同盟會自是傾覆滿清政府之志益堅盡拋棄所小販之業而飄忽省港之間者又旣數年本年三月二十九廣州之役曾從何君天炯助戰卒以衆寡不敵功不克成復亡於香港然自此役以後省吏搜檢倍加嚴密知重張旗鼓揭竿起義難以成厥大業因之變易從前之宗旨改而爲仇殺政界之手段閏六月間日事偵察水提蹤跡與林冠慈君陳敬岳君圖炸事不成又逸去及至八月下旬黨人圖炸鳳山軍雄又欲往同事因炸李準

者矣。得命後潛往羊城。惠愛街陳祠。陳君慕真處。居旬日。鳳山仍未至。衣履典當。殆盡。及同事許文彬被拘。次早卽有警差數人到陳祠。搜索軍雄神氣。大定卒以詭言獲免。後以陳祠非宜。久居之地。欲他避。以費用缺。向張君百川索借。張君念其回鄉給之。去後不知去往。鳳山事起。軍雄卽在瓦面爲衛兵槍中被獲。獲後仍蘇滿官吏問之。曰。汝是甚麼。答曰。是陳軍雄。再問。卽不言。旋斃。此是得之桂軍某耳聞之語。陳君恐其名沒不彰。因囑余爲之傳。以備新史之資料。故謹錄之。現軍雄父母尙在未妻。年二十五歲。有弟一人。三月間運軍械往惠州。被殺。名陳文有者。是其堂兄也。





2	
8	

新出圖書廣告

中國革命現勢圖

一冊

定價一角

中華民國元年二月初版

中國革命記

第一冊 第六冊 第十一冊

第二冊 第七冊 第十二冊

第三冊 第八冊 第十三冊

第四冊 第九冊 第十四冊

第五冊 第十冊 第十五冊

每冊一角五分

中國革命史

定價二角

革命黨小傳

第一冊 第二冊 第三冊

每冊一角五分

革命文牘類編

第一冊 第二冊 第三冊

第四冊 第五冊 第六冊

第七冊 第八冊 第九冊

第十冊

每冊大洋一角五分

大革命寫真畫

第一集 第二集 第三集 第四集 第五集

第六集 第七集 第八集 第九集 第十集

每集大洋五角

編輯者

時事新報館

發行者

時事新報館

發行所

時事新報館

寄售處

上海各大書坊

(革命黨小傳第三冊)
(每冊定價大洋壹角伍分)

不許
複製

782.18

486.68

:3